

Mašić: “SDA nije naš politički partner”

Sastanak delegacija Stranke demokratske akcije i Socijaldemokratske partije bit će održan sutra u Sarajevu.



Kako je potvrđeno za “[N1](#)”, sastanak bi trebao početi u 17 sati, a bit će održan na inicijativu SDA. Susret je ranije potvrdio lider SDP-a Nermin Nikšić.

“Odazvat ćemo se pozivu SDA, saslušati kakvo je viđenje, relativnih pobjednika oko formiranja vlasti, i jasno saopštiti svoj stav.

Međutim upravo zbog ovakvog medijskog spina i pritiska SDA želim jasno poručiti kako ni na koji način nećemo izdati i ostaviti na cjedilu ljude s kojima ovih dana intenzivno radimo na formiranju većina i vlada u Kantonalnim skupštinama“, poručio je Nikšić koncem prošle sedmice.

Politički direktor SDP-a Damir Mašić kazao je da SDA nije politički partner već stranke koje već izvjesno vrijeme razgovaraju o formiranju vlasti u Kantonu Sarajevu.

“Ovi politički subjekti su naši politički partneri, SDA nije naš politički partner. To da li će se, hoće li i u kojem sazivu kurtoazno odazvati na formalno poslan dopis za razgovor i saopštiti to na licu mjesta, to je već stvar koja veze nema

sa ovim. Čvrsto ostajemo u ovoj priči, ne namjeravamo mijenjati političke partnere. Svako ima želje, ambicije i može slati pozive, kurzoacija je da se odazove na poziv. To što neko želi pa najavljuje da će se razgovarati o KS, na tom sastanku sigurno se neće razgovarati o KS. Ova priča nezaustavljivo ide naprijed. Ovo su naši politički partneri, SDA nije naš politički partner“, naveo je Mašić.

Haber.ba

SDA: “Prijetnja Milorada Dodika je vrlo neodgovorna”

Vijeće naroda RS treba da postane zakonodavni dom u punom kapacitetu kao što je to i Dom naroda u Parlamentu Federacije BiH, smatraju u SDA



“SDA odbacuje i cijeni vrlo neodgovornom izjavu i prijetnju Milorada Dodika da će entitet RS, ukoliko ne bude popunjen Klub Srba u Domu naroda Parlamenta Federacije BiH, pristupiti ustavnim promjenama i ukinuti Vijeće naroda RS“, stoji u saopštenju SDA, prenosi BHRT“.

“Iako nepopunjen, Klub Srba u Federalnom parlamentu vrši svoju

ustavnu ulogu, a Vijeće naroda RS, iako popunjeno, zbog poslovnih smicalica u Ustavnom sudu RS, nije u mogućnosti vršiti svoju ulogu.

Zbog toga će SDA tražiti ukidanje poslovnih prepreka. Pravo rješenje je, a to će SDA i predložiti, da se u zaštitu vitalnog nacionalnog interesa uvedu simetrični mehanizmi u oba doma parlamenata bh. entiteta. Vijeće naroda RS treba da postane zakonodavni dom u punom kapacitetu kao što je to i Dom naroda u Parlamentu Federacije BiH", smatraju u SDA.

Haber.ba

Opasna igra Zagreba sa BiH

Vlada Hrvatske predstavlja se kao advokat navodno potlačenih zemljaka u susjednoj BiH. U to spada, kako je suditi po njenim postupcima, i dovođenje u pitanje postojanja ove zemlje, piše Tageszeitung iz Berlina.



“Tageszeitung” iz Berlina u tekstu Ericha Rathfeldera pod nazivom “Opasna igra Zagreba sa BiH”, koji u cjelosti prenosimo, piše:

“Hrvati u BiH imaju u susjednoj Hrvatskoj prominentne zagovornike. I premijer Andrej Plenković i predsjednica

Kolinda Grabar-Kitarović pokušavaju mjesecima posebno u Briselu da u centar diskusije stave "potlačene Hrvate". Po njihovim riječima Hrvati u BiH nemaju ista prava kao drugi konstitutivni narodi. Oni moraju da se bore za očuvanje svog identiteta, pri tome ih izborni sistem dovodi u jako nepovoljan položaj.

HDZ – vladajuća stranka u Hrvatskoj a prije svega njen ogranak u BiH glasno traže reviziju izbornog zakona. Ustavni sud im je 2017. čak i dao pravo, međutim ta presuda je u suprotnosti sa poimanjem prava Evropskog suda za ljudska prava u Strazburu. HDZ smatra da je u nepovoljnom položaju jer u Federaciji BiH svi građani, dakle i Bošnjaci, smiju birati hrvatskog člana Predsjedništva BiH. S obzirom da je na taj način u Predsjedništvo BiH izabran Željko Komšić koji je Hrvat lijevo-liberalne orijentacije, glavni kandidat nacionalističke desnice Dragan Čović ostao je praznih ruku.

To je ponukalo vladu ali i predsjednicu susjedne države Hrvatske da krene u diplomatsku ofanzivu. U to spada i dovođenje u pitanje postojanje Bosne i Hercegovine. Sve otvorenije konzervativni i desno-radikalni političari u Hrvatskoj i BiH traže „treći entitet”. Pored Republike Srpske, kojom vladaju Srbi, sada bi po mišljenju Hrvata trebalo podijeliti i Federaciju BiH: teritorije na kojima dominiraju Hrvati trebalo bi po njihovom mišljenju odvojiti i formirati entitet „Herceg Bosnu”.

Paradržava „Herceg Bosna” postojala je još za vrijeme rata od 1992. do 1994. Tadašnje rukovodstvo pod ultradesničarskim predsjednikom Mate Bobanom željelo je da, kao i Radovan Karadžić sa srpske strane, podjeli BiH. I Hrvati su tada počeli sprovoditi etničko čišćenje, zbog čega je njihovo cjelokupno rukovodstvo osuđeno u Hagu na dugogodišnje zatvorske kazne.

“HDZ se sve više razvija u nazadnu snagu”

Hrvatska isto kao i Srbija, kako se pribojavaju mnogi, teži teritorijalnoj podjeli BiH. Prema riječima pisca, režisera i socijaldemokrate iz Sarajeva Gradimira Gojera, koji se kao i Željko Komšić svrstava u Hrvate i to – po samodefiniciji – iz tabora nenacionalista, HDZ se sve više razvija u nazadnu, desno-radikalnu snagu. HDZ pokušava rehabilitirati ne samo zločine proteklog rata već i zločine hrvatskih fašista – ustaša iz 2. Svjetskog rata.

Hrvatska desnica osjeća se okriljena, jer status Hrvatske kao članice EU može koristiti kako bi podržala nacionalističke snage u BiH. Ali i zato što može računati sa podrškom Mađarske i Poljske.

“Nakon uspješnog Svjetskog prvenstva u fudbalu djeci je dozvoljeno da u ustaškim uniformama javno koriste ustaški pozdrav „Za dom spremni”. Sportski uspjeh koristi se za „ustašizaciju” društva, kaže Gojer i dodaje da se mladi odgajaju da mrze druge.

Na posljednjim izborima 7. oktobra su lijevo orjentisane, nenacionalističke partije u bošnjačkim i etnički miješanim sredinama dobile prevlast. Tako je antinacionalistička Naša stranka na užem području Sarajeva najjača politička partija.

Stoga je hrvatskim nacionalistima postalo teže da sprovode svoju politiku koja za cilj ima podjelu stanovništva, nada je koja se čuje iz diplomatskih krugova u Sarajevu”, piše Tageszeitung iz Berlina.

Erich Rathfelder je dugogodišnji dopisnik lista Tageszeitung iz Berlina za područje jugoistočne Evrope. Studirao je istoriju, političke nauke i filozofiju na Univerzitetu Ludwig Maximilian u Minhenu i Slobodnom univerzitetu u Berlinu. Nakon zabrane ulaska u DDR i zemlje bivšeg Varšavskog pakta, 1987. je počeo izvještavati sa Balkana, između ostalog o ratovima u Sloveniji i Hrvatskoj a potom i o ratu u BiH. 1997. pratio je događaje na Kosovu. 1998. ga je vlada u Srbiji proglasila

nepoželjnom osobom, nakon čega je morao napustiti Kosovo. Nakon rata na Kosovu ta zabrana je ukinuta. Rathfelder živi i radi kao slobodni novinar u Sarajevu i Splitu.

Haber.ba

OVO JE HRVATSKI MINISTAR KOJI OTIMA BOSANSKU IMOVINU: Zdravko Marić je godinama uništavao Agrokor, sada je na putu da uništi odnose Hrvatske sa susjedima!

Hrvatski ministar državne imovine Zdravko Marić je odlučio povući jedan od najkontroverznijih poteza u svom mandatu. Prema unisonoj ocjeni hrvatskih medija,

Marić se svojim potezom izazvati nove političke trzavice sa Bosnom i Hercegovinom i Srbijom, dok je investitorima ponudio ulaganje s priličnim pravnim rizikom.



U subotu je Ministarstvo državne imovine Hrvatske objavilo oglas u kojem poziva ulagače na predaju ponuda za zakup 15 objekata turističke namjene i to na rok od 30 godina. Redom se radi o bivšim radničkim odmaralištima za vrijeme socijalizma. Većina oglašanih objekata se nalazi u mjestu Gradac na Makarskoj rivijeri, a po jedan je objekt na Rabu, u Biogradu na moru i Slanome.

Početne cijene godišnjeg zakupa su niske u odnosu na izvrsne lokacije objekata. Ukupno za sve objekte, ministarstvo godišnje planira uprihoditi barem 988.000 kuna. Hrvatski mediji navaode primjer vile koja je samo šest metara od mora u Gradcu, površine 368 kvadratnih metara, ponuđene za 7.360 kuna godišnje. Međutim, osim što se radi o prilično ruiniranim prostorima, problem je što svi ti objekti nisu vlasništvo

Republike Hrvatske, nego većinom Bosne i Hercegovine ili njenih fitmi i sindikata, a manjim dijelom i srpskih. Ministar Marić je oglasio zakup čak tri objekta koji u ovom trenutku prodaje Agencija za privatizaciju Federacije Bosne i Hercegovine.

Hrvatska je na prijedlog ministrira Marića usvojila novi zakon o upravljanju državnom imovinom koji je omogućio aktiviranje imovine koja skoro tri decenije stoji zapuštena i opustošena.

-Ti objekti ugrožavaju sigurnost i zdravlje i građana i turista jer se nalaze uglavnom na samoj obali – kratko je odgovorio Marić na upit hrvatskih novinara.

Zakon o upravljanju državnom imovinom usvojen u maju jasno propisuje da do "sklapanja odgovarajućeg međunarodnog ugovora ili do donošenja odluke o izuzimanju od zabrane raspolaganja, Ministarstvo je ovlašteno dati u višegodišnji zakup ili neki drugi oblik raspolaganja nekretnine do najviše 30 godina". Nadalje se navodi da te nekretnine mogu biti upisane i kao društvena imovina ili općenarodna imovina s pravom korištenja onih koji u Hrvatskoj nemaju sjedište i pravnu osobnost.

Zakon je krojen upravo za ove objekte jer u zemljišnim knjigama stoji da ih koriste ili su vlasništvo sindikata, poduzeća iz BiH i Srbije. Već i sama imena tih nekretnina su relikti nekih drugih vremena i pokazuju ko na njih polaže pravo. Primjerice, tu su odmarališta "Saobraćajac", "Građevinari", "Robna kuća Beograd", "Partizan", "Pionir", "Trgovci", "Đuro Salaj"...

Problemi te imovine nisu riješeni međudržavnim ugovorima, a za neke objekte se vode i sporovi u matičnoj državi. U Srbiji se pitanje bivših radničkih odmarališta u Hrvatskoj povremeno otvori, a ima ih i više nego što je sad oglašeno.

Direktora Agencije za privatizaciju Federacije BiH Amira Bekrića je oglas iznenadio iako kaže da je bilo najava da bi se to moglo dogoditi. Bekrić je za hrvatske medije objasnio da

su dva oglašena objekta, Valter Perić i Đuro Salaj, knjižno vlasništvo Elektroprivrede BiH na koje pravo polaže Federacija BiH, te su ih zato oni procijenili i stavili na prodaju još prošle godine. Vila Bosanka je vlasništvo Željeznica Federacije i također su je procijenili i spremili za prodaju. Ostale nisu pod njihovom ingerencijom jer sindikati polažu pravo.

– Van pameti je to što će sada Hrvatska dati te objekte u zakup. Razumijem da je Hrvatska suverena država i da može donositi svoje zakone, ali mi ćemo reagirati prema svim tijelima BiH, od predsjedništva do Ministarstva vanjskih poslova da pošalju protestnu notu zbog takvog poteza – kazao je Bekrić.

Podsjećamo, ljetos je ministar pravde BiH Josip Grubeša jasno u pismu Hrvatskoj vladi ustvrdio da bi bilo kakvo otuđenje imovine BiH bilo nevažeće, te je pozvao da se spor riješi bilateralno.

Puno žešće su na usvajanje zakona reagirali predstavnici sindikata jer su predvidjeli da će se upravo dogoditi ono što je sada uradio ministar Marić.

– To je pljačka države nad drugom državom – rekao je u maju za bosanske medije Miralem Terzo, predstavnik sindikata građevinara koji se bori za imovinu u Hrvatskoj.

U svakom slučaju, uprkos niskoj cijeni zakupa, potencijali ulagači u nekretnine koje je oglasio ministar Marić će biti suočeni s pravnim rizikom. Ako pristanu na zakup na 30 godina, uredi ruševna odmarališta, a onda se promjeni vlasnik, pitanje je kako će se njihova ulaganja.

KO JE MINISTAR MARIĆ

Hrvatski ministar Zdravko Marić dolazi iz Agrokora gje je radio od 2012. godine, kada ga je Todorić postavio za izvršnog direktora za strategiju i tržište kapitala. Četiri godine bio

je zadužen za međunarodno financiranje koncerna i odnos s investitorima. Upravo za onaj dio poslovanja koji se pokazao najproblematičnijim za Todorica i gdje je žarište potresa koji je do temelja uzdmao Agrokor.

BoljaBosna.com

Kada SDA izgubi vlast, Izetbegović će izgubiti SDA

Domino efekat gubitka vlasti koji, iz dana u dan, SDA doživljava od Bihaća do Sarajeva i Goražda, ostavit će duboke posljedice po unutrašnju strukturu SDA ili će, ako struktura u SDA ostane ista, ovu stranku odvesti u politički kraj i(li) izolaciju.



Veliko nezadovoljstvo unutar SDA već vlada jer smatraju da ih je predsjednik stranke, Bakir Izetbegović, ostavio na cjedilu ne pokušavajući da ih “uvede u vlast” kao osnovni cilj postojanja ove stranke. Ostanak u vlasti bio je primarni cilj SDA jer, bez tog elementa, SDA bi se, sama od sebe, smanjila za 50%. Sada je jasno da će SDA ići u opoziciju prvo na kantonalnim, potom na državnom i, na kraju, na nivou Federacije BiH i Republike Srpske, piše “BNN.ba”.

Gubitak vlasti za SDA će donijeti i grube unutrašnje sukobe i promjene koji uskoro slijede pred njihov stranački kongres na kojem će ili Izetbegović izgubiti stranku ili će stranka izgubiti pola članstva i rukovodstva.

Danas u Bosni i Hercegovini, izuzev BOSS-a Mirnesa Ajanovića i, možda Stranke za BiH Amera Jerlagića, ne postoji nijedna druga stranka koja je spremna da razgovara i koalira sa SDA-om, bez obzira na cijenu.

Prevare svih koalicijskih partnera, izigravanje svih važnih dogovora, montiranje istraga, optužnica i hapšenja svakome ko je sa SDA imao bilo kakva posla, ostavile su najdublji trag na cijelu bh.političku scenu koja je, u cjelosti, odlučila da SDA pošalje prvo u opoziciju a, zatim, u potpunu političku izolaciju.

“Liderstvo” Bakira Izetbegovića, okruženog KOS-ovcima, zatim najdirektnije prevare koje je Izetbegović inaugurirao u “legitimno političko sredstvo”, potom organizovana krađa trećih izbora po redu i brutalna eliminacije Izetbegovićevih ideoloških protivnika, na čijem je čelu stajala struktura SDA okupljena oko Izetbegovića, odveli su ovu stranku u izolaciju i na listu onih koje nije poželjno niti poznavati, a kamo li sjediti za istim stolom.

Nakon što je, zahvaljujući upravo Izetbegoviću i njegovom prvom okruženju, SDA postala najomraženija politička stranka u BiH, koja će svoju “popularnost” imati čast da izmjeri na prvim elektronskim izborima već 2020. godine, SDA mora ostati sama sa sobom naredne četiri godine.

Ostanak bez vlasti za SDA znači da će, već u maju naredne godine, kada im pada vrijeme za stranački kongres, morati potražiti novo stranačko rukovodstvo koje ih ne svađa sa cijelim političkim spektrom u BiH i koje, također, ne pravi najniže vrste spletki ostatku političke scene u BiH.

Ukoliko SDA ostane vjerna aktuelnom rukovodstvu SDA, sasvim je

sigurno da će još vjernije ostati vezani za trajnu opoziciju ili će, pak, morati osvojiti 51% vlasti na narednim izborima pa da, sami sa sobom, prave vlast jer to, sa njima, niko drugi više ne želi.

BoljaBosna.com

Opet samo pričaju! Hrvatska danas počinje graditi Pelješki most, a nadležni u BiH obećavaju tužbu



Hrvatska danas službeno počinje graditi Pelješki most, kamen spoticanja između naše zemlje i Hrvatske. Izvođač radova bit će kineski konzorciji koji je bio najbolji na međunarodnom tenderu. Zbog neslaganja s gradnjom mosta BiH prema najavama BiH će tužiti Hrvatsku.

Kineska kompanija "China Road and Bridge Corporation" trebala bi početi sprovoditi u djelo ono što je pokušalo nekoliko bivših hrvatskih premijera. Ivo Sanader je dva puta pokušavao započeti izgradnju mosta.

Novac je osiguran zahvaljujući Europskoj uniji. U konačnici će

most koštati nešto više od 526 miliona eura od čega Europska unija projekt sufinansira s 357 milijuna eura bespovratnih sredstava, odnosno s 85 posto prihvatljivih troškova, piše [“Dnevno.ba”](http://Dnevno.ba).

Rok za gradnju je 36 mjesec. Most će biti dug 2.404 metra i visok 55 metara. Hrvatska smatra da su te dimenzije odgovarajuće i za BiH zbog čega poručuju da nema ništa sporno u gradnji mosta.

Ipak, dužnosnici BiH negoduju zbog početka gradnje jer BiH nikada nije s Hrvatskom riješila pitanje granice na moru. Brojni stručnjaci smatraju da će BiH gradnjom Pelješkog mosta biti oštećena te da neće imati nesmetani izlaz na otvoreno more.

U međuvremenu se spominje i tužba koju bi član Predsjedništva BiH Bakir Izetbegović trebao podnijeti sudu u Strazburu.

Poraz i sramota BiH! Bakir i Denis su javnost BiH ponovo prevarili



Nermin Nikšić, predsjednik Socijaldemokratske partije Bosne i

Hercegovine, komentarisao je danas početak izgradnje Pelješkog mosta. Nikšić je izjavio da je početak gradnje Pelješkog mosta "jasan i javan čin Republike Hrvatske koja sistemski nastavlja relativizirati i ugrožavati subjektivitet, interese i prava države Bosne i Hercegovine u međunarodnim odnosima."

"Napominjem da je Evropska povjerenica za prevoz Violeta Bulc u Sarajevu, prije tačno mjesec dana, javno pozvala predstavnike domaćih institucija da upute dopis službenom Briselu, ukoliko imaju dodatne primjedbe na gradnju Pelješkog mosta i da iste obrazlože. Naglasila je da je Evropska unija svoj stav o nepostojanju prepreka za gradnju mosta zasnovala isključivo na dokumentaciji pristigloj iz Republike Hrvatske.

Ovim putem javno postavljam pitanje članovima Predsjedništva Bosne i Hercegovine i predsjedavajućem Vijeća ministara BiH da odgovore jesu li uputili takav dopis u ovom vremenu od posljednjih mjesec dana? Ako nisu, tražim da svaki od njih odgovori zašto to nije učinjeno? Ako se i nije mogao postići konsenzus u Predsjedništvu BiH, onda neka oni koji se predstavljaju zaštitnicima interesa države odgovore zašto se, osim periodičnih medijskih istupa, individualno u svojstvu članova Predsjedništva BiH ili predsjedavajućeg Vijeća ministara, nisu konkretnije založili za zaštitu interesa države Bosne i Hercegovine sistematičnim elaboriranjem i argumentiranjem stava o nepostojanju pravnih preduslova za gradnju mosta? Jesu li poduzeli ikakve mjere organizovanja pravne zaštite i argumentiranja pozicije Bosne i Hercegovine angažovanjem relevantnih domaćih i međunarodnih stručnjaka na spomenutom polju? Ako nisu, neka kažu zašto to nisu učinili i zaštitili prava, ne samo sadašnje generacije, nego i svih budućih generacija građana Bosne i Hercegovine?", rekao je Nikšić, piše ["Patria"](#).

Nikšić je zaključio da početak gradnje Pelješkog mosta "predstavlja poraz, kako za indolentnu domaću vlast predvođenu SDA-om, tako i za sve građane Bosne i Hercegovine, kojim će biti zapriječeno temeljno pravo izlaska na otvoreno more u

skladu sa Konvencijom o pravu pristupa otvorenom moru (UNCLOS).

“Od ovakve vlasti u Republici Hrvatskoj ništa drugo, osim podrivanja međunarodnog subjektiviteta Bosne i Hercegovine nismo ni mogli očekivati. Međutim, zato su Predsjedništvo Bosne i Hercegovine, Vijeće ministara i rukovodstva oba doma Parlamenta BiH, ili barem pojedinci koji se nalaze u ovim tijelima, mogli i morali institucionalno učiniti mnogo više od tek periodičnog dopisivanja i medijskog oglašavanja na ovu temu.

Iako su nas sve Zvizdić i Izetbegović mjesecima uvjerali da je dokumentacija koju imaju i argumentacija na strani BiH, te da do gradnje neće doći, i ove njihove obmane su rezultirale još jednim porazom i sramotom Bosne i Hercegovine, kao što je to bio slučaj i sa revizijom presude za genocid protiv Srbije”, naveo je Nikšić u svojoj izjavi.

Denis Zvizdić: “Bosanski Srbi imaju jednu državu koja se zove BiH, isto važi i za Hrvate”

Sedmi samit Kine i zemalja centralne i istočne Evrope (16+1) održan u Sofiji rezultirao je potpisivanjem sporazuma koji će omogućiti izvoz mlijeka i mliječnih proizvoda u Kinu, što je, kaže Zvizdić, izvanredna prilika za bh. proizvođače.



Predsjedavajući Vijeća ministara Bosne i Hercegovine Denis Zvizdić ocijenio je danas u Sarajevu da su sastanci koji su u proteklih desetak dana održani u Londonu, Briselu i Sofiji imali značajne efekte za BiH u političkom i ekonomskom smislu, prenosi "Fena".

Na tim važnim sastancima razgovarano je o brojnim temama poput jačanja razvoja ekonomije, regionalnoj saradnji te stabilnosti i sigurnosti u zemljama zapadnog Balkana.

Sedmi samit Kine i zemalja centralne i istočne Evrope (16+1) održan u Sofiji rezultirao je potpisivanjem sporazuma koji će omogućiti izvoz mlijeka i mliječnih proizvoda u Kinu, što je, kaže Zvizdić, izvanredna prilika za bh. proizvođače, a postoji i najav za proširenje palete proizvoda koje će BiH moći izvoziti u Kinu.

Dogovoreno je da naredni sastanak ministra transporta ovih 16 zemalja bude organiziran u Sarajevu što će također biti prilika da Bosna i Hercegovina prezentira potencijale u oblasti transporta i osigura privlačenje novih investicija sa zemljama istočne Evrope, a to podrazumijeva daljnju izgradnju autoputa i željezničkog saobraćaja te proširenje međunarodnih aerodroma.

Konferencija o inovacijama 16 zemalja centrale i jugoistočne Evrope trebala bi biti organizirana od 5. do 8. novembra ove godine kada će se napraviti generalni plan razvoja informacionog sistema i procesa digitalizacije to će omogućiti

značajniji ekonomski razvoj i integriranje zapadnog Balkana na tržište Evropske unije.

Zvizdić je napomenuo da je potpisan i Sporazum u oblasti turizma s Kinom zbog čega se ove godine očekuje 50.000 turista iz te zemlje, kao i udvostručenje tog broja naredne godine jer "Putevima Valtera" predstavlja najprivlačniju turističku atrakciju za šta su zainteresirani Kinezi koji dolaze u BiH.

Kada je u pitanju Sporazum o civilnoj avijaciji uskoro bi trebala biti uspostavljena avio linija na realciji Peking-Prag-Sarajevo, a razgovrano je i o ulaganjima u oblasti energetskog sektora s fokusom na izgradnju Bloka 7 u Tuzli koji je u završnoj fazi.

Zvizdić je potvrdio i da je razgovarao u Sofiji s premijerkom Rumunije Vioricom Dancilom o političkim odnosima i odnosima u drugim oblastima posebno u kontekstu činjenice da će ta zemlja 1. januara preuzeti predsjedavanje Evropskom unijom.

– Nama je najvažnije da fokus EU ostane i u tom mandatu na zapadnom Balkanu kako je bilo i u vrijeme predsjedavanja Bugarske i sada Austrije, a upravo je prvi kvartal sljedeće godine vrijeme kada BiH očekuje dobijanje kandidatskog statusa za članstvo u EU – podvukao je.

Zvizdić je izrazio nadu da će se taj datum poklopiti i s krajem mandata sadašnje administracije Evropske komisije te je pozvao sve da odvoje proces odgovaranja na dodatnih 655 pitanja Upitnika Evropske komisije od trenutne političke retorike i predizbornog vremena.

Predsjedavajući Vijeća ministara Denis Zvizdić učestvovao je i u Londonu na samitu premijera zapadnog Balkana (WB6+EU8) koji je održan u okviru Berlinskog procesa kada je BiH Evropska komisija odobrila tri projekta ukupne vrijednosti 275 miliona eura.

Na Koridoru 5C u sekcijama Tarčin-Konjic i Buna-Počitelj

ukupne vrijednosti 150 miliona eura i jedan projekt tehničke pomoći na Koridoru 5C u iznosu od 125 miliona eura. BiH je dobila i grant sredstva u iznosu od pet miliona eura i 38 miliona eura.

– Uzimajući u obzir samit iz Trsta prije godinu dana BiH je za 12 mjeseci odobreno sedam projekata u okviru Berlinskog procesa od oko milijardu KM– dodao je Zvizdić i pozvao na ubrzanje rada odgovornih za implementaciju ovih projekata.

U Londonu su potpisane četiri deklaracije i to o ratnim zločinima, nestalim osobama, regionalnim odnosima te izjava o borbi protiv korupcije.

Naglašena je potreba za snažnijim povezivanjem unutar zapadnog Balkana te povećanje 50 posto obima trgovinske razmjena, unapređenje infrastrukture jer manjka povezanosti gradova unutar država zapadnog Balkana te je naglašena potreba vraćanja fokusa na pitanje ekonomije.

Samit u Londonu bila je prilika, ističe Zvizdić, da se razgovara o sigurnosti u regiji te je on tada ponovio da je 46 onih koji su se u BiH vratili sa stranih ratišta, a 22 njih je u sudskim procesima te da nema govora o hiljadama onih koji se vraćaju.

– U 28 mjeseci nije zabilježen niti jedan odlazak na strana ratišta, u 160 terorističkih napada u Evropi koji su se dogodili u posljednje dvije i pol godini niti s jednim od njih BiH nije bila povezana – jasno je poručio Zvizdić.

Pitanje povećanog broja priliva migranata bila je jedna od tema u Londonu kada je Zvizdić istaknuo da BiH želi biti dio jedinstvenog evropskog rješenja te je najavio da BiH neće praviti zidove prema susjedima, ali i da će ostati humana i poštovati međunarodne standarde i bh. zakone.

Zahvalio je EU za pomoć koja je BiH pružena u tom smislu, ali i izrazio nadu da će se uskoro u Unsko-sanskom kantonu pronaći

lokacija za smještaj migranata jer do sada predložene EU ne želi finansirati uz obrazloženje da su blizu granice sa EU.

Također, istaknuto je i potreba za završavanjem procesa pomirenja i zatvaranjem vrata prošlosti i otvaranju vrata budućnosti, a to je moguće postići, stav je Zvizdića, uz saradnju institucija država, a ne naroda iz različitih država.

– Ni jedan narod u BiH nema dvije države bosanski Srbi imaju jednu državu koja se zove BiH isto važi i za Hrvate zbog čega smatram da je institucionalna saradnja snažnija od saradnje među nekim od naroda – podvukao je.

Osvrnuo se i na treći sastanak Vijeća za stabilizaciju i pridruživanje održanom prošle sedmice u Briselu kada je ponovljena potreba što bržeg odgovaranja na dodatna pitanja iz Upitnika te je istaknuta činjenica da BiH uskoro zaokružuje usvajanje četiri važne strategije i to za energetski sektor, transport, ruralni razvoj i zaštitu okoliša.

Podsjetio je Zvizdić da je BiH u prošlom mandatu saziva Vijeća ministara zbog neusvajanja tih strategija izgubila 500 miliona eura iz IPA fondova.

Zaključio je na kraju da BiH nema daljnjih uvjeta osim odgovora na dodatna pitanja kako bi dobila kandidatski status, a do kraja godine, kazao je, očekuje i aktivaciju Akcionog plana (MAP) za članstvo u NATO-u što bi bio jasan signal za nepovratni put ka ostvarenju najvažnijih vanjskopolitičkih ciljeva BiH.

Izvor: [Haber.ba](http://haber.ba)

Platforma za progres

```
[facebook-page-plugin href="konjicanka/" cover="false"  
facepile="false" cta="false" small="false" adapt="true"  
link="true" linktext="" language="bs_BA" ]
```